

謹告國民  
協力拒酒



上海图书馆藏书



A541 212 0008 93728



# 謹告國民協力拒酒

史譏沉湎·書載酒誥·聖賢垂訓·夙懷斯戒·詎意外國酒商·將挾鉅資至中國·經營酒業·謹就聞見所及·以告吾邦人君子·幸垂察焉·

## (一) 酒之害

酒之害·詠於詩·見於書·書於史·散見於百家記載雜誌報章·野戰病院及普通醫院臨症上之統計·生理學病理學實驗室中之實地試驗·鐵案累累·殊途同歸·蓋酒爲各種心臟病腎臟病·中風肺炎肺癆等病之原因·其爲害於胃·肝·腸·心·腎·血管·及腦·細胞也·可於臨症上証之·可於屍體解剖上見之·更可於實地試驗時明之·取猿猴等獸·令成酒癖剖而視之·更製爲標本·助以顯微鏡·同時取無癖者·解剖而試驗之·兩相比較·酒害立見·不寧惟是·狂飲大醉者·言行不檢·舉動荒謬·試閱美國罪犯統計冊·凡因酒面行竊傷人·殺父母殺妻子·誤國事者·不乏其例·然則酒之害·足以破壞仁慈智信禮義廉恥焉·星星之火·可以燎原·實例俱在·可供考証·美國米省省立改過所所內·六百二十四人·其中三百八十七人·係因酒滋事·米省精神病院統計一百病人中·四十人係因酒致病·

又據該院一九一四年統計八百四十六癡子中嗜小量酒者一百九十四人。每日嗜飲而不醉者一百六十八人。每飲必醉者二百八十人。

美國全國癡狂病院癡子總數之六千一百二十二人爲酒徒。

醫院中追問病人歷史。不厭詳審。據種種經驗。知隔代遺傳之例。酒毒亦在所不免。譬如甲之父或母嗜酒。甲及其妻。雖力制嗜好。遠離酒類。而甲之子女。則孱弱易病。昏瞶荒謬。此因其祖嗜酒。流毒傳於後代耳。然則酒之害。將使人種變劣。民族退化。言念及此。可爲寒心。

據美國米省統計人民因飲酒而貧者。居百之七十五。

一九一四年及一九一五年蘇格蘭嬰兒死亡率極高。學者細察其故。知天殤者之父。母或祖父母確係嗜酒。

美國馬塞秋塞人民因酒徒而加之負擔。(例如添設警察監獄改過所醉漢拘留所精神病院濟貧費公私救恤費等)計一〇五三三七六九元。而無形之損失不與焉。工人嗜酒。則所製貨品必劣。店夥嗜酒。則顧客却走。百業衰廢。酒害實其厲階。

由此觀之。酒之害。若是其烈。吾同胞將忍視洋酒之日增。而成大患乎。

## (二) 美國及歐洲各國禁酒之成例

美國國會：於一九一七年：通過禁酒律。（禁釀禁運及買賣）且將禁酒律加入憲法。各省議會：亦曾先後議決禁酒律或取締規則。酒商力謀破壞。然全國各商會各教育會各學校各省禁酒會醫學會及其他各團體。凡有良心真愛國者。均贊助禁酒。或演說或著書。或設法禁止登廣告及郵遞酒商之廣告。舉動均照法律。實力又極偉大。立法行政司法各方面。與全國國民互相商助。互相惕厲。心同力協。共戰酒魔。現在酒類禁絕者。已達一千八百縣以上。美國禁酒之成效。能如此者。以其國民皆有愛國心。能協助政府也。英國國務總理喬治曰。世界人類之公敵。一為德之黷武主義。一即酒類。對德宣戰。則聞風響應者。先後不絕。對酒宣戰。將不知有若干國加入耳。興利除弊。或大功立成。或旋成旋敗。或初似無望。而卒底於成。佳種既佈。必有收穫之日。故愛國之士。不以害之未著而因循釀患。不以挫折而沮喪。一九一六年。英國公民二四四八人。聯名請願禁酒。雖未頃刻禁絕。然此輩之名。必永垂青史。英人留作紀念。傳為美談。現已嚴定限制。縮小飲賣之時刻及地方。務使有減無增。其他法國意國。於戰爭期中。已嚴行酒禁。以上所言。乃他國禁酒

之梗概·深望吾國人細閱之·深思之·

### (三) 美國及歐洲各國酒商將羣往中國之可憂

美國自禁酒案通過後·所有釀酒公司·均不許加製酒類·酒商日暮途窮·擬作禍吾中國之計·加尼福尼亞釀酒公司·擬以二百萬金元·至吾國營酒業·其他美國各酒商·及英法意比葡日本西班牙坎拿大各酒商·步武效尤者·勢必日增月盛·鴉片之積毒未清·酒類之大難·將作·易曰履霜堅冰至·又曰知幾其神·鑒往知來·理有固然者也·茲將美國一九一二年所產酒類之總量及各國所產各種酒類所含酒精之百分數·列表於左·

按美國內務委員會一九一二年報告·該年美國產酒達一百七十八兆二十四萬九千九百八十五加崙·而白蘭地酒等尙未算入·各種酒類所含酒精(alcohol)之百分數如下·

美國皮酒百分之三·八

德國皮酒百分之四·七

英國之哀而百分之五·〇

美國香烹百分之八·〇

法國格來來百分之八·〇

美國紅酒百分之九·〇



香烹百分之一〇・〇

法國白酒百分之一〇・三

慢締賴百分之二・五

險米酒百留之一七・五

拋搭酒百分之一・八

噤酒三〇・〇

以上均以重量爲標準若以容積爲標準其百分數更當大於上述竊願此篇未到以前吾國省議會商會等早有禁酒之議然猶曉曉不已者以耳目所接感觸萬端遂不覺憂之深而言之切也

#### (四)吾國必須禁酒之理

茲從反面簡言之約有數端：一曰關於國民生活計問題也。按美國內務委員會一九一二年報告第十頁該年至六月三十日美國產酒已達一百七十八兆二十四萬九千九百八十五加侖。今以外國禁酒之故勢必以吾國爲銷酒場則吾金錢外溢財源日涸且外商將就近釀造出酒更多洋酒猛烈成癮必易外商始則贈品送飲以誘吾國人待酒癮既成則典質盜竊以過癮者有之矣疇昔之酒與今後之酒將大爲不同謂其不足爲害者誤矣。一曰道德問題也管子有云倉廩實而知禮節衣食足而知榮辱吾若不禁酒則無以抵制洋酒即金錢外流而民窮窮則傷人越貨之



事日以多。且酒能亂性。使改常態。誤國事。壞倫常者。往往酒爲其導線。一日國民強弱智愚問題也。嗜酒者。不獨害及一身。且其子女。亦必孱弱多病。或患精神病。一日外人將以是覘吾國也。一勝敗之機。一書稱許吾禁鴉片毅力。又謂世界禁酒潮流。極有關係。中國若疏忽漠視。則外國酒商。將羣聚中國。而酒毒仍有根據地。致他國難收廓清之功。故世界各國。將引領而瞻中國之禁酒。是否能自助。是否有共和國國民之資格。將於禁酒規之云。一日時不可失也。禁酒法律。若能早定。則外商知吾難欺。不作妄想。或改營別業。愈遲則外商投資愈多。國人嗜酒者愈衆。爲外人作俚者亦愈多。勢必竭力反對。且此邦士君子。亦以酒商禍吾民國爲非義。欲有所防救。若吾本國國民。反視大禍若無睹。不幾成爲奇聞大恥。友邦輕視。致鄰生心。毫釐千里。所關非細。一日飲酒較吸鴉片爲易。故酒毒將甚於鴉片也。嘗見販夫走卒。過酒肆。探囊出汗血所獲。一擲無吝色。父母妻子凍餒。則置諸腦後。倚櫃而飲。盈尺之地已足。若鴉片則需一榻橫陳。臨燈烘撥。其不便已甚。曩年鴉片。爲國人所惡。嗜吸者初尙不敢明目張膽。然且毒遍全國。禍延數世。今日洋酒。飲者誤以爲時髦。若不早禁。爲害將不可設想。一日國家歲入及中國酒商。實無損失也。國家當興利除



害·害除則民智民力·蒸蒸日上·民生日裕·工商日盛·歲入自增·民德日厚·都市無擾·且歲費於囹圄警察恤貧救難者·自然減少·此不增之增也·更有變通辦法·謹述於第五章

### (五) 中國抵制酒毒之方法

抵制酒毒·勿使洋酒·繼鴉片而爲禍·其根本辦法·在請吾國立法機關·議定禁酒法律·考美國禁酒法律·已加入聯邦憲法·其各省省議會·亦先後議決禁酒案·吾國憲法·將來加此一條與否·尙須待議·倘各省省議會·從早議定禁酒案·不坐誤事機·使外商知吾難欺·絕其妄想·則突徙薪·實爲上策·願吾國民·成此偉舉·勿讓英美各國擅美於前也·或曰吾國民知酒害之烈·聯名請於立法機關·求議禁酒法律·然當局諸公·或以親戚故舊·嗜酒者多·徘徊瞻顧·不敢議決奈何·則應之曰不然·吾聞君子愛人以德·未聞以姑息·若謂投鼠忌器·徇私害公·是誣吾明大義之議員矣·雖然他國禁酒法律·有全禁及半禁之別·全禁者·不問其名之是酒非酒·凡飲料中含酒精 (Alcohol) 者·皆須禁絕·全國同時實行·半禁者·或以區域爲標準·例如甲省已禁絕·而乙省僅加限制·又同隸乙省之縣·甲縣雖不禁酒·而乙

縣已禁絕。甲縣之酒欲運至丙縣。須繞道他縣。不得經過乙縣。又甲縣雖未禁酒。然其學校軍營工廠等附近若干方里內。不得見有滴酒。譬如吾國江蘇省。或環繞租界諸縣嚴行禁酒。則租界中洋酒。雖欲運至未禁之地。亦屬困難。蓋借道於禁酒之縣。法律所不許也。或以時候爲標準。例如每星期中。有數日不許賣酒及飲酒。每晨及疾病流行時不得賣酒飲酒。國恥紀念日不得賣酒飲酒等。或以人爲標準。例如無論何酒。不得賣給兵士學生及未成年之人。違者停止其營業。並科以重罰。其間接爲之買賣及誘引兵士學生及未成年之人飲酒者亦當重罰。此等禁酒方法。在吾國確能實行者也。總之防止洋酒。尤屬重要。若吾國土酒。半屬淡而不濃。故吾國禁酒法律中。若附一條曰。凡含酒精過百分之二者。在嚴禁之例。不及百分之二者。在限制之例。則所禁者。爲濃烈之酒。(洋酒濃烈者居多)而國貨仍有回翔之餘地。吾國商人。不受絲毫之損失。此則委曲求全之苦心。不得謂爲一勞永逸之策耳。國家興衰。人人有責。願偕吾全國國民羣起而力圖之。

篇中引証。除據醫院中臨症。及各種雜誌外。所參考之書。爲勝敗之機。美國全國禁

酒會年冊·美國各省禁酒分會報告冊·美國禁酒法律叢刊·皮林博士著酒毒第一冊·美國內務委員會報告·恪律師調查錄等·

(附)

吾中國禁酒會已經成立東部及中部已舉定職員如左

會長

董修甲

副會長

洪偉廉

書記

王立民

會計

劉湛恩

擔任分贈者

陳鶴琴

力拒酒毒今正其時尚望吾邦人君子協力進行

本會已有編述所如荷賜稿關於國內酒業實情及外國酒商在吾國活動情形甚為歡迎來稿請謄寫明白寄倪章祺收其地址如下

(該稿恕不寄還)

上海圖書館藏書




A541 212 0008 93728

T.G.Ni  
1309 Wilnot  
Ann Arbor,  
Mich.,  
U.S.A

謹告國民協力拒酒

中國禁酒會謹贈

(非賣品)



翰

(SP)

1628915